

ԷԶԵՐ ՀԱՅԱՍՏԱՆԻ XIX—XX ԴԴ. ՀՈՂԱՅԻՆ ՀԱՐԱՔԵՐՈՒԹՅՈՒՆՆԵՐԻ ՊԱՏՄՈՒԹՅՈՒՆԻՑ

Ա. Ս. ՀԱՄԲԱՐՅԱՆ

ՂՈՂ* — Ցարական կառավարության ժամանակ սաթխացիները համարվում էին պետական գյուղացիներ: Նրանք ունեին վարելահողեր, արոտավայրեր, խոտհարքներ և մարգագետիններ: Վարելահողերից օգտվում էին համայնական կարգով՝ մի քանի տարին մեկ դրանք վերաբաժանելով տնտեսությունների միջև, հաշվի առնելով ընտանիքների անձանց քանակը. արոտավայրերից՝ ընդհանուր կարգով, իսկ խոտհարքներից ու մարգագետիններից՝ ղոլ կամ խումբ կազմելով: Գեղջավադը, որ կոչվում էր յուզբաշի (հարյուրապետ-թուրք.), հուլիսի սկզբներին, այսինքն՝ երբ մոտենում էին խոտհանքի օրերը, հրավիրում էր գյուղացիների ժողով և որոշում: Նախ՝ խոշոր եղջերավոր անասունների զխաքանակը, հաշվելով շորս մանր եղջերավորները մեկ խոշորին համարժեք, ապա զույրի թիվը: Ամբողջ գյուղում կազմվում էր 20 ղոլ, ընդգրկելով ամեն մեկում 24, իսկ եթե անասունները բիշ էին՝ 30 անտեսություն: Անասնազուրկ գյուղացիները, ցանկություն ունենալով, կարող էին մասնակցել զույրին և ստանալ իրենց բաժին խոտը, իսկ եթե չմասնակցեին, չէին ստանա: Հնձած խոտը բաժանվում էր մասնակիցների միջև:

Ղուերը կազմվում էին ոչ թե բնակիչների ընտրությամբ, այլ ըստ թաղերի: Նրանց անդամները կոչվում էին քաղվորներ, իսկ ղեկավարները, որոնք ընտրվում էին հարգված ու հեղինակավոր մարդկանցից, ղուրաշիներ (ավագներ): Ղուրաշիներ կարող էին ամեն տարի ընտրվել նույն մարդիկ, բայց կարող էին ընտրվել նաև առ անձինք: Նրանք, հավաքվելով, խոտհարքներն ու մարգագետինները բաժանում էին մասերի, այնպես, որ դրանք ունենային մոտավորապես հավասար որակ: Հողակտորներն իրարից առանձնացվում էին քարերով, բնական նշաններով կամ փոքր-ինչ հնձելով, որ կոչվում էր «դալարա խփել»:

Ղուրաշիները հետևում էին կարգ ու կանոնին, հավաքում էին հարկերն ու տուրքերը և տալիս դեղջավազին, իսկ սա՝ պետությանը: Նրանք չունեին իրավական արտոնություններ, ինչպես ասում են, առաջիններն էին հավասարների մեջ: Ղուերը կոչվում էին ղուրաշիների անուններով: Տնտեսությունը որքան շատ անասուն ուներ, այնքան շատ հնձվոր էր տալիս ղույին: Սովորաբար 8—10 խոշոր եղջերավոր անասուն ունեցող տնտեսությունը տրամադրում էր մեկ հնձվոր: Եթե նրա հնձվորների թիվը շատ էր, իսկ անասունների զրկխաքանակը քիչ, իրավունք չունեին մեծաթիվ հնձվորներ ուղարկել ղու: Գյուղում քիչ չեն եղել այն տնտեսությունները, որոնք կարող էին հրկուսից ավել կամ պակաս հնձվորներ տրամադրել ղույին, բայց կային նաև այնպիսիները, որոնք չէին կարող տալ գոնե մեկը: Սրանք անասնազուրկ կամ քիչ անասուն ունեցող տնտեսություններն էին: Ընդհանրապես ղույին կարող էին մասնակցել միայն այն տնտեսությունները, որոնք ունեին 7—10 զլխից ոչ պակաս անասուն: Ում տանից ինչքան քաղվոր, այնքան էլ փոցխվոր էր մասնակցում ղույին: Լինում էին. դեպքեր, երբ գյուղացիները ղույի համար մշակ էին վար-

* Ղուլն հասկացության բացատրությունը հեղինակը լսել է իր հորից՝ Սարգիս Կարապետի Համբարյանից և մասամբ նրա համագյուղացիներից՝ Վրաստանի Բողղանովկայի շրջանի Սաթխա գյուղի տարեց մարդկանցից: Հոգվածը շարադրվում է ըստ այդ տեղեկությունների:

1 Սաթխաում մարգագետիններն ընկած են գետափերին (կոչվում են թուրքերեն բառով աղա-կղզի, գործածվում է հայերենի հոգնակիով՝ աղաներ), իսկ խոտհարքները՝ սարերի լանջերին ու ստորոտներին:

ձում, վճարելով օրական 1—1,20 ռուբլի: Հնձած խոտի բաժանումը կատարվում էր հետևյալ կերպ. քաղվորներն ու փոցխվորները, այն հավաքելով, դնում էին բարդոցներ, որսած գլուխում կոշվում էին եղներ, աշխատելով այնպես անել, որ գրտնք ունենային հավասար մեծություն և լինեին այնքան, որքան հնձվորների խիվն էր: Ապա բաժանում էին վիճակահանությամբ և տուն բերում: Ղուլին մասնակցած գյուղացին աշխատանքները դեռ չավարտված կարող էր հեռանալ, բայց կստանար այնքան խոտ, որքան հնձել էր: Սակայն մախտին, այսինքն՝ խոտհարքների համար պետությունը տրվող հարկը, որը սահմանվում էր ըստ շնչի և յուրաքանչյուր ընտանիքից հավաքվում էր 8—11 ռուբլու չափով, պարտավոր էր լրիվ վճարել:

Ղուլի աշխատանքները տևում էին մոտ երկու շաբաթ: Քաղվորներն ու փոցխվորները գնում էին դաշտ վաղ առավոտյան և վերադառնում երեկոյան: Քիչ էր պատահում, որ նրանք գիշերեին դաշտում:

Ղուլը ավանդական բնույթ ուներ. խոտհարքներից օգտվելու այդ եղանակը գործածվել էր անցյալում, և 1830 թ. էրզրումի վիլայեթից գաղթականները բերել էին իրենց հետ: Դրա մասին վկայում է նաև նրա թուրքերեն անվանումը (շատ հնարավոր է, որ հայերն ունեցել են իրենց անվանումը, բայց հանգամանքների բերումով թողել են իրենցը և գործածել թուրքերենը): Ղուլը տարածված էր ոչ միայն Սաթխալում, այլև Զավախքի բազմաթիվ գյուղերում:

Սաթխաղիների հողն անրավարար էր: Այդ պատճառով էլ նրանք հարկադրված էին վարձակալել լրացուցիչ տարածություններ: Եվ վարձակալում էին կամ իշխան Կոբուլովի կամ Գորելովկայի դուխոբորների հողերը, վճարելով ըստ պայմանավորվածության: Կոբուլովին, օրինակ, սաթխաղիները տարեկան տալիս էին 9000 ռուբլի (4000-ը՝ զարնանը, իսկ 5000-ը՝ աշնանը) և օգտագործում էր տարածությունների մի մասը՝ որպես արոտավայր, իսկ մյուսը՝ որպես խոտհարք: Այդ խոտհարքը հնձելու համար նրանք նույնպես կազմում էին ղուլեր՝ ճիշտ այնպես, ինչպես իրենց համայնական խոտհարքները հնձելիս:

Վարձակալած խոտհարքները բաժանվում էին մասերի, իսկ այդ մասերը վիճակահանությամբ տրվում էին առանձին տնտեսությունների, հաշվի առնելով նրանց անասունների զրխաքանակը: Ով շատ անասուն ուներ, նրան շատ հողամաս էր տրվում, և նա էլ վարձակալական շատ գումար էր վճարում: Այս դեպքում վիճակահանությամբ բաժանում էին ոչ թե բարդոցները, այլ քաղելատեղերը: Երկու դեպքում էլ հավաքած խոտի մեծ մասը ընկնում էր ունեորների ձեռքը:

Ուշագրավ են նաև հարևան Սպասովկա և Գորելովկա գյուղերի դուխոբորների խոտհարքների ու մարդագետիկների օգտագործման եղանակները: Սաթխաղիները նրանց լավ դիտեին: Երկար տարիներ եղել են դուխոբորների հետ բարիդրացիական հարաբերությունների մեջ: 1918 թ. զարնանը, երբ երիտթուրքական հորդանները կոտորել ու քշել են Զավախքի հայերին, «ֆրանկներին» (իմա՝ կաթոլիկ հայերին) ու դուխոբորներին թողել են համարյա անվնաս: Երբ թշնամին հետ է քաշվել, սաթխաղիները վերադարձել են ու իրենց տները տեսել խալանված և ավերված: Թալանողները եղել են երիտթուրքերի գործի հետևից եկող Աղբաբու (Ամասիայի) թուրքերը: Սաթխաղիներն ստեղծել են նոր տնտեսություն՝ վարձվելով գերազանցապես դուխոբորների մոտ և կատարելով երկրագործական զանազան աշխատանքներ: Մի քանի տարում ռուս հարևանները նրանց այնքան են օգնել ուտելիքով, հագուստով, անասուններով ու գյուղատնտեսական գործիքներով, որ կարողացել են տնտեսապես ոտքի կանգնել:

Ղուլ գոյություն է ունեցել նաև դուխոբորների մեջ, բայց այլ անունով ու հատկանիշներով: Գորելովկայում այն կոչվել է դեսյատկա և ընդգրկել է 40 մարդ: Սովորաբար, ամեն մի գերդաստան կազմում էր մի դեսյատկա: Օրինակ՝ Զուբկովները համախմբվել են մի, Ստրելկովները՝ մի այլ դեսյատկայում: Նրանցից յուրաքանչյուրն ուներ 40 անդամ: Այն դեպքում, երբ ըն-

տանիքի անդամների թիվը քիչ էր 40-ից, նրան միանում էր մի այլ ընտանիք: Շատ էր պատահում, որ դեպատկան ունենա ոչ թե 1 կամ 2, այլ ավելի մինչև 10 ընտանիք: Համախմբվում էին սովորաբար հարևանները, տրամադրելով այնքան քաղվոր, որքան ունեին: Նրանք կարող էին վարձել նաև բաժնակներ: Դուխոբորների դեպատկանները նույնպես կազմվում էին խոտհանի նախօրյակին, ունենալով իրենց ավազները, որոնք խոտհարքները վիճակահանությամբ բաժանում էին դեպատկանների ու ընտանիքների միջև և կատարում ղուրաշիների մյուս ֆունկցիաները: Եթե հայերի զույգ կազմվում էր ըստ անասունների գլխաքանակի, ապա գուխոբորների դեպատկան՝ ըստ ընտանիքների երկու սեռերի անդամների թվաքանակի: Հավաքած խոտը բաժանվում էր ըստ կատարած աշխատանքի: Բերքի մեծ մասը ստանում էին ունեությունները: Դուխոբորները չէին հավանում հայերի զույգին, այն համարելով «гривовая-чертовая» («չափազանց մեծ» կամ «խիստ մեծաքանակ»):

Ավելորդ չենք համարում հիշատակել նաև հետևյալ փաստը. սաթխացիներից ոմանք մինչև 1917 թ. հեղաշրջումը վարձվում էին ունեոր գուխոբորների մոտ: Թե ինչպիսին էր նրանց դրությունը, կարելի է դատել Գրիգորյան Մկրտչի (ծնված Սաթխայում, 1889 թ.) պատմածից: Նրա հայրը հարուստ չէր, բայց աղքատ էլ չէր, ուներ 1 զույգ եղ, 2 կով, 10 ոչխար: Մկրտիչը 15 տարեկան հասակից աշխատել է Սպասովկայի հարուստներից մեկի տնտեսությունում, որպես հոտաղ, տարեկան ստանալով 25 ռուբլի, ապա Գորելովկայում՝ նույն տիպի տնտեսությունում, ամիսը 3 ռուբլի վճարով: Երկու տեղում էլ սնվել է տերերի հաշվին: Երբ դարձել է 19 տարեկան, Գորելովկայում, նրան վարձել է 12 հոգուց բաղկացած ընտանիք, որն ուներ 60 խոշոր և 250 մանր եղջերավոր անասուն: Տերը խոստացել է Մկրտչին տալ տարեկան 60 ռուբլի, պայմանով, որ կատարի տան բոլոր աշխատանքները: Այդ տեսակետից նրա դրությունը ծանր է եղել, մանավանդ, որ տերն ուրիշ բատրակ չի վարձել: Մկրտիչը բանել է վաղ առավոտից մինչև ուշ երեկո, ինչպես ասում են, առանց քուն ու դադարի: Բայց տերը լավ աշխատեցրել է, լավ էլ վճարել: Աշխատավարձի մի մասը վճարել է փողով, իսկ մյուսը՝ բնամթերքով, Դրանցից զատ, Մկրտչին տվել է նաև 2 արջառ: Մկրտիչը Գորելովկայում վարձվել է նաև սեզոնային աշխատանքներում, մասնավորապես քաղցին, և ստացել օրական 1,20—1,50 ռուբլի կամ շաբաթը մեկ ոչխար: Աշխատավարձի մի մասը բնամթերքով վճարելը եղել է բնատնտեսության առկայության արտահայտություն: Բայց, այդուհանդերձ, Մկրտչին վճարել են բավական բարձր, մի բան, որ Արևելյան Հայաստանում 1909—1911 թթ. քիչ էր պատահում, Բատրակի աշխատավարձը սովորաբար բարձր էր այնտեղ, որտեղ աշխատուժի մեծ կարիք կար:

Ինչևէ, այս նյութերը կարող են օգտակար լինել ոչ միայն Զավախքի, այլև Բարձր Հայքի անցյալի հողային հարաբերությունների ուսումնասիրությունների համար, քանի որ Զավախքի հայերը եկել են էրզրումի վիլայեթից 1830 թ., բերելով իրենց հետ այնտեղի ընտանեկան ու արտադրական սովորությունները:

ԿՇԼԱԿՈՒԹՅՈՒՆ—Արևմտյան Հայաստանում XIX դ. երկրորդ կեսին և XX դ. «կզբին գյուղացիության, հատկապես հայ գյուղացիության, մի մասը շահագործվում էր ղշլաղության կամ կշլակության եղանակով (թուրք. ղշլաղ կամ կըշլակ—ձմեռանոց): Դրա էությունն այն էր, որ աղաներից ոմանք գյուղացիներին ձմռանը պահելու էին տալիս միայն իրենց անասունները, իսկ մյուսները նրանց հարկադրում էին պահել թե՛ իրենց անասուններին և թե՛ ցեղակից քուլորներին ու սրանց անասուններին: Գ. Սրվանձտյանցը, Բաֆֆին և Գ. Տերկարպետյանը արժեքավոր տեղեկություններ են տալիս այդ մասին: Շա-

2 Տե՛ս Ա. Ս. Համբարյան, Գ. Ա. Մուրադյան, Ա. Հ. Սիմոնյան, Արևելյան Հայաստանի պրոլետարիատի պատմություն, Երևան, 1988, էջ 273:

3 Տե՛ս Արծվի վասպուրական, 1862—1863, № 3. էջ 73, Բաֆֆի, Երևան, 1963, էջ 309—310, Ազատամարտ, 1909, № 47, օգոստոսի 17:

հագործման կշիռակության եղանակը գործադրում էին բացառապես կիսաքոշվոր քրդերն իրենց ցեղապետերի կամ տոհմապետերի գլխավորությամբ: Նրանք այն գործադրում էին գերազանցապես հայ, իսկ որոշ դեպքերում նաև նստակյաց քուրդ գյուղացիների նկատմամբ⁴: Կշիռակությունը գյուղացիության շահագործման սոսկալի ու դաժան ճորտատիրական ձևերից էր: Այն տարածված էր հիմնականում Աղբակում, Մուշում, Վարգոյում, Խնուսում, Բուլանըխում և Մանազկերտում:

Բայց վերոհիշյալ հեղինակները լռում են այն մասին, թե ով էր հողի փաստացի տերը. քուրդ աղան, թե՞ նրա վրա նստած, սակայն աղայի իշխանության տակ ընկած գյուղացիները: Կարող էին այդ գյուղացիները, առանց աղայի թույլտվության, հեռանալ գյուղից:

Նրանք լռում են նաև այն մասին, թե ինչպես էին բաշխվում քոշվոր-քրդերը նստակյացների տների վրա: Այդ հարցերի պատասխանը իմանում ենք Արթիկի շրջանի Գեղանիստ գյուղի բնակիչ Արշակ Սիրեկյանի Վիրաբյանի՝ 1974 թ. գրառումից, որը պահվում է մեզ մոտ: Նա հաղորդում է, որ իր մեծ պապը՝ Բովմասը, որ եկել է Վանի էյալեթի Մանազկերտ գավառի Բաղնոց գյուղից՝ 1830 թ., պատմել է իրեն, թե իրենց գյուղի հողի փաստացի տերը եղել է Հուսե կամ Հուսեին փաշան: Հայերը միայն բնակվել են նրա մոտ: Աղայի կարգագրությամբ, հայերը պետք է պահեին նրա քրդերին ու սրանց անասուններին աշնանից մինչև գարուն: Քուրդ յուրաքանչյուր ընտանիք իր անասուններով ամեն տարի հաստատվում էր նույն հայի տանը, ուր եղել էր անցյալում: Փոփոխություն կարող էր լինել միայն այն ժամանակ, եթե նրանցից մեկն այս կամ այն պատճառով այլևս չէր հայտնվում: Հուսե փաշան երբևէ չի բաժանել իր ցեղակիցներին իր տիրապետության տակ գտնվող նստակյաց քրդերի վրա: Բացի քրդերին պահելուց, հայը պետք է վճարեր նաև պետությանը իր հավաքած բերքի 7-ից մեկը: Առանց աղայի թույլտվության, գյուղացիները չէին կարող հեռանալ գյուղից կամ տեղափոխվել մի այլ տեղ:

Մենք չգիտենք, թե կշիռակությունը երբ է հաստատվել Արևմտյան Հայաստանում, բայց հայտնի է, որ վերացվել է 1915 թ., հայերի ցեղասպանության հետևանքով:

СТРАНИЦЫ ИСТОРИИ ЗЕМЕЛЬНЫХ ОТНОШЕНИЙ В АРМЕНИИ В XIX—XX ВВ.

А. С. АМБАРЯН

Р е з ю м е

В селении Сатха Ахалкалакского уезда Тифлисской губернии для пользования покосами крестьяне создавали кол (т. е. отряд, группу). Этот способ пользования покосами существовал и в других селениях уезда. Видимо, он был завезен сюда предками крестьян—выходцев из Западной Армении (Эрзерумский вилайет). Изучение кола в какой-то мере поможет составить представление о земельных отношениях в Западной Армении в начале XIX в. и ранее.

Известно, что часть крестьянства в Западной Армении эксплуатировалась курдскими родоначальниками в форме кышлакта (т. е. зимовья). Право владения землями, заселенными крестьянами, оставалось за этими родоначальниками. Последние могли запретить им переселиться в другие места. Таким образом, кышлакство являлось одной из форм крепостничества.

⁴ Տե՛ս Մեղա Մախմուդ Բաջեդի, Նրա՛յ և սովորա՛յ կուրդո՛ւ, Մ., 1963, ժ. 52.